

OHR organizirao drugu Konferenciju o borbi protiv korupcije u Federaciji

Ured Visokog predstavnika organizirao je danas u Sarajevu drugu Konferenciju o borbi protiv korupcije za područje Federacije. Na konferenciji su učestvovali: federalni tužilac, finansijska policija, kantonalni tužilac, Carinska uprava Federacije, Poreska uprava, glavne institucije za reviziju, Federalna agencija za bankarstvo i Ministarstvo unutrašnjih poslova. Cilj ove konferencije bio je da se procijeni u kojoj se fazi nalaze istražni postupci u 74 slučajeva koja se tiču djela ozbiljne korupcije, počinjenih tokom 2000. godine u Federaciji Bosne i Hercegovine i nizu kantona u Federaciji BiH, a koja su otkrivena tokom finansijskih revizija koje su proveli OHR i OSCE u 2001. godini.

OHR je konstatirao da je postignut napredak u radu pod vodstvom federalnog tužioca, Marinka Jurčevića, pa je više istraga rezultiralo podnošenjem krivičnih prijava sudovima. OHR je izrazio svoju punu podršku radu federalnog tužioca i njegovog ureda, te potvrdio činjenicu da zbog velikog broja i složenosti slučajeva koji se razmatraju, neki od istražnih postupaka još uvijek nisu završeni. Očekuje se da će mnogi slučajevi biti okončani do početka održavanja sljedeće konferencije.

Ipak, OHR je i dalje zabrinut činjenicom da relevantni organi za provođenje zakona, naročito Finansijska policija Federacije, nemaju dovoljan broj osoblja. Ovo je jedna od glavnih prepreka za brzo i uspješno okončanje istraga vezanih za slučajeve korupcije. Nadležni odjeli pri Vladi moraju voditi računa o ovom buduću da na njima leži odgovornost za

neadekvatno opremanje agencija za sprovođenje zakona.

Ozbiljna zabrinutost i dalje preovladava zbog nepostizanja napretka u radu istražnih organa u određenim kantonima, naročito u Kantonu 7.

Transparentnost u javnom sektoru je obaveza, koju organi vlasti imaju prema građanima ove zemlje, a osiguranje zaštite javnih fondova je osnovna funkcija demokratske vlasti. Istraga, te krivično gonjenje slučajeva zloupotrebe javnih fondova, predstavljaju ključni element u borbi protiv korupcije. Svaki nedostatak u ovom pogledu se mora u potpunosti i odlučno riješiti.

Prva Konferencija o borbi protiv korupcije održana je u avgustu prošle godine, i označila je početak pothvata, kojeg su relevantne institucije usmjerile ka koordiniranju svoga rada u borbi protiv korupcije.